

— «Շնորհաւոր ըլի Քրիստոսի ապաշխարանքը, ուրախ տարի գայ ձեր վրայ», որին պատասխանում են. — «Օրհնեալ է ապաշխարանքը Քրիստոսի»:

Այնուհետեւ, վերադարձին նրանք գետի ափերից քաղում են «ձեռք-պաշուք». դա մի տեսակ դալար խոտ է, և գրանով շնորհաւորում իրենց կեսրոջ և կեսրայրի պատը: Իսկ նոր փեսաները շրջում են իրենց աղգականների տները, շնորհաւորում և ստանում են մի զլււխ շաքար կամ փող:

Հետաքրքրական է նաեւ այն, որ նոյն օրը պառուս կանայք մի սոխի վրայ անց են կացնում եօթ հատ հաւի փետուր, յետոյ մի փայտի վրայ ամրացնելով կախում են տան երգիքից կամ առաստաղից: Սրան տեղացիները «Քանդլափաշա» են կոչում. ասում են, թէ ով ուր պասն ուտի, «Քանդլափաշան» կը պատժի: Իւրաքանչիւր շաքաթի վերջը մի փետուրը հանում, ձգում են. վերջին շաքաթը՝ Զատկին ոտից ցած են բերում և դցում կերակրի մէջ:

Ծաղկազարդ: Ծաղկազարդին Փէրիացիք ասում են «Ծառզարդար»: Այդ օրն իւրաքանչիւր մարդ առաւօտը վաղ վեր կենալով շտապում է եկեղեցի: Իսկ երիտասարդներն ուռենու ճիւղերից կտրելով՝ տանում են եկեղեցի և դնում սեղանի առաջ, որ քահանան օրհնէ. ժամերգութիւնից յետոյ օրհնւած ուռենուց ամեն մէկը մի փոքրիկ ճիւղ ձեռքն առած տուն է վերադառնում. այդ ճիւղը դնում կաթի սալակի տակ, որպէսզի կաթը «բարաքեաթով» լինի, իսկ երեխաները խմբեր կազմած՝ ճիւղերը ձեռքերին, տնից տուն են շրջում, երգելով.

Պարկը բացէք

Մի բուռ ամէք:

Ծաղկազարդ է այսօր:

Նրանք տներից ստանում են չամիչ, չալաղ և աղանձ:

Զարչաւառնաց շաքաթ: Աւադ երեքշաբթի երեկոյեան եկեղեցում տասն երեխայի շապիկ են հագցնում, ձեռներին մոմ տալիս և սեղանի առաջ կանգնեցնում են, երբ տասը յիմար և իմաստուն կուսանաց առակը կարդում են, երեխաներ